

Os kyrkjeblad



DEN NORSKE KYRKJA

Os kyrkjelyd | Nr. 3 | 2023 | 78. årgang



| JUL I KYRKJA | NYTT SOKNERÅD | VINTERKALENDER |

Sjå, eg skapar noko nytt!

Om du les denne utgåva av kyrkjebladet i førjulstida, eller kanskje når julefreden har senka seg, så er du kanskje ikkje heilt klar for å tenke framover på det nye året endå? Ein må liksom koma i mål med det gamle fyrst. Her og no forsvinn vi lett inn i alt vi skal ha gjort, gjeremål som skal kryssast av lista. Det siste vi treng, er kanskje “noko nytt”. Slik er det nok menneskeleg å tenke når det kokar ikring oss.

Når ein bikker nyttår og det nye året tek til, kan “det nye” kanskje arte seg annleis, som ein frisk start, eit høve til å byrje på nytt. Igjen er det menneskeleg å late seg rive med, og kanskje oppdager ein at ein har lagt lista for “det nye” vel høgt.

I kyrkja har “det nye året” allereie starta i adventstida. Kyrkjeåret tek til med ventetida på at Jesus blir fødd. Og kyrkja drivast frå dag til dag året rundt ved at Gud gjer som det står skrive i Bibelen: “Sjå, eg skapar noko nytt!” Det treng ikkje vere eit vidløftig nyttårsforsett eller ein heilt ny start. Kvar dag er ny og skapt til å levast i fellesskap med Gud og med kvarandre.

Difor håpar eg du finn inspirasjon til å ta til med noko nytt i år på veg gjennom dette bladet.

God lesnad, og godt nytt år!



Sigurd Rotvik Tunestveit
Dagleg leiar, Os sokn



DEN NORSKE KYRKJA
Os kyrkjelyd

Os kyrkjeblad

Os kyrkjeblad kjem ut tre gonger i året, og vert sendt som informasjon til alle heimar i Os.

Utgjevar

Os sokneråd
Postboks 209, 5202 Os

Soknerådsleiar

Tone Steinsund Hagevik
tonehagevik@gmail.com

Redaksjonsleiar

Sigurd Rotvik Tunestveit
st575@kyrkja.no

Abonnement

Bladpengar (frivillig) kr. 200/år
Bankgiro 3201 53 26354
Vipps 786791 | Merk betalinga “Bladpengar”
Kontakt oss for utanbygds abonnement (kr. 300/år)

Opningstid kontor

Øyro 49, 5200 Os
Måndag-tysdag og torsdag-fredag 10-14, onsdag stengd

Kontakt

Tlf.: 56 57 24 00 | E-post: post.os@kyrkja.no

EI STRIME AV VON

Djupt i mennesket ligg vona. For sjølv om vi ikkje alltid greier å sjå det, ligg krafta likevel djupt i oss; den som gjer at vi prøver å reise oss, gå eit steg vidare, løfte hovudet.

Mange stader i verda møter ein denne jula med fråvær av von. I land som er råka av krig og ufred, i områda som er truga av miljökatastrofar og dei som bur der er usikre på om det er ei framtid der - vi veit at det er mange menneske som møter julehøgtida med frykt og sorg, snarare enn med glede og von.

Og likevel - framfor jula ber mange av oss på ei von midt i det vonlause. Vi vonar at jula blir god. Vi har tankar om korleis julefeiringa skal bli, og med ambisjonar om alt som skulle gjerast, alt som skulle bakast, alt som skulle ordnast av stort og smått. Men som vi kanskje ikkje kom heilt i mål med, og vi kjenner oss slitne. Ynsket om det perfekte vart ikkje oppfylt dette året heller.

Men er det noko den fyrste jula lærte oss, så var det at den ikkje var perfekt, i alle fall ikkje etter vår målestokk: Eit barn fødd i ein kald stall av ei ung, ugift mor, med dyr og ustelte gjetarar som dei fyrste gjestane. Nei, det kan vel på ingen måte seiast å ha vore perfekt.

Jula femner om både det djupt menneskelege og det guddommelege. Den no avdøde artisten og låtskrivaren Hans-Erik Dyvik Husby sa det ein gong slik: Det er ein menneskeleg ting å falle. Men det er ein guddommeleg ting å reise seg att. Det nyfødde barnet i krubba kom som ein vi kunne kjenne oss lik med, samstundes som han kom med oppreising og forvandling.

Dei to som no sit med barnet mellom hennene, Maria og Josef, som opplever dette underfulle og store dei knapt kan forstå, - dei sit med vona i fanget. For uansett kor merkeleg og usikkert alt må ha vore for dei, med eit barn som englane på himmelen seier er Guds son og med stjernetydande vismenn som seier at denne guten er ein konge; Maria og Josef har von for det nyfødde barnet!

Og sjølv om det meste i stallen og krubba i Betlehem er ulikt alt anna vi kan tenke oss; I dette er dei lik oss. For uansett kor vanskelege forholda er når eit barn blir fødd, om det er alt det usikre, krig, svolt, ufred eller vald; og uansett kor lite vi veit om kva framtida bringer og kor mykje frykt vi har for dagane som skal kome:

Med eit nyfødd barn kjem von - om det så berre er ei lita strime. Og slik kjem Gud til oss. Som ei strime av von. Med ljøs i det aller mørkaste.

Jula er høgtida der vi feirar at vona vart gjeven til verda. Og at i den fyrste jula fekk verda del i bodskapen som har kraft i seg til å setje fangar fri, løyse band og bringe menneske saman. Gud deler våre kår. Jesus er saman med oss i det vi alle har til felles: Å vere barn. Å vere menneske. Å vere avhengige av andre. Å sørje, å kjenne glede. Å bere på ei von.

I stallens kulde og mørke spring vona fram.

Det sårbare barnet i krubba synt seg sterkare enn all jordisk makt. Den fyrste jula var eit vendepunkt i menneskets historie. Jula er den meste løfterike av alle høgtider. Ljoset og vona er komne til verda.

Difor er det ein guddommeleg ting å reise seg att.



Ragnhild Jepsen
Biskop i Bjørgvin

Forsida

Utsnitt frå glasmaleria i koret i Os kyrkje.

Utført av glaskunstnar Bernhard Greve.

Kort med desse motiva er til sals på kontoret i Tunet kyrkje- og kultursenter, til inntekt for barne- og ungdomsarbeidet i kyrkjelyden.

Foto og kort av Torhild Amland Hope

Trykk

Aksell | Opplag 9200

Nettside

www.kyrkja.no/os

Vår grøne
kyrkjelyd



Trykksak
2041 0699



TRYKT I NORGE

GLIMT FRÅ KYRKJELYDEN



Song og musikk er ein viktig del av fellesskapen på "Senior-Koinonia", som foregår annankvar torsdag i Tunet. (Foto: Sigurd Rotvik Tunestveit)



Benjamin og Leon i bandet på ungdomsgudsteneste i Os kyrkje i november (Foto: Martin Bakke Slåttsveen)



Hanne Dahl var ein av dei som leidde ungdomsgudstenesta i Os kyrkje.

(Foto: Martin Bakke Slåttsveen)



Fredagskvelder med ungdomsgudsteneste og Happening er kjekt! Frå venstre : (Foto: Martin Bakke Slåttsveen)



Soknerådet var strålande nøgd med årets julemesse i Tunet laurdag 25. november. Nestleiar Per Gunnar L. Oseng og Jon Håkon Øen har vore med sidan 2019 og syter for kontinuitet i rådet. (Foto: Roar H. Evjedal)



KOReDu var blant kora som stod på scena under årets julemesse. (Foto: Sigurd Rotvik Tunestveit)





Det gjekk unna med åresalget i Storsalen på julemesssa, og kvar einaste stol i Tunet var i bruk!
(Foto: Roar H. Evjedal)

Nydelege kort med motiv frå glasmaleria i Os kyrkje, laga av Torhild Amland Hope, seljast til inntekt for barne- og ungdomsarbeidet i kyrkjelyden.
(Foto: Sigurd Rotvik Tunestveit)



Bergen pensjonistorkester, anført av dirigent Inge Fjørtoft, gjesta Eldretreffet i Klovertun i oktober. Over 60 osingar fekk oppleve musikk frå kjente musicals, Grieg og andre lokale komponister, flott framført av proffe pensjonistar og dyktige amatørar. Sanitetskvinnene serverte suppe og kaffimat. (Fot: Bjørn-Atle Drange)



Konfirmantleiarane Ludvik Hodneland Sundfjord og Jakob Nygard la igjen hemningane heime då dei stilte til start i Globaløpet under leiren "Camp Vestland" på Frammes i haustferien. (Foto: Gro Helen Blindheim Skjælaen)



Blant mange kjekke aktivitetar på julemesssa var nok ansiktsmaling eit høgdepunkt for fleire, mellom anna venninnene Aurora og Kristin. Dorteia venter spent på resultatet av Saras konsentrerte arbeid...
(Foto: Sigurd Rotvik Tunestveit)



Flotte omgjevnadar og godt humør på oppstartsmøtet. Dette lovar godt for dei neste fire åra! Frå venstre: Espen Harald Haga, Malin Næss Vangsnes-Weaver, Roar Hallesby Evjedal, Christine Westgaard Lund Halland, Tone Steinsund Hagevik, Birk Eiken Lunde, Karl Ole Midtbø, Arild Jentoft og Inger Indset Botnevik.

OS SOKNERÅD 2023-2027

Tone Steinsund Hagevik, leiar
f. 1980, familierapeut

Per Gunnar Lunde Oseng, nestleiar
f. 1984, avd.leder/sosionom

Grethe-Inger Berge
f. 1953, pensjonist (lærer)

Christine Westgaard Lund Halland
f. 1973, lærar

Karl Ole Midtbø
f. 1955, pensjonist (dirigent)

Jon Håkon Øen
f. 1973, rådgjevar

Olav Emil Tennefoss Vatshelle
f. 1988, student/yrkessjåfør

Espen Harald Haga
f. 1975, it-konsulent

Roar Hallesby Evjedal
f. 1980, sokneprest

Varamedlemmer:

Malin Næss Vangsnes-Weaver
f. 1987, dansekunstner/producent

Inger Jonette Indset Botnevik
f. 1956, pensjonist (lærer)

Frode Qvale
f. 1969, lektor

Birk Eiken Lunde
f. 1999, teknisk konsulent

Arild Saltskår Jentoft
f. 1964, pilot



Demokratiet i kyrkja har talt, og nytt sokneråd er vald inn til å representere kyrkjemedlemmane for dei neste fire åra. Samtidig takkast det forrige rådet av etter strålende innsats sidan 2019.

Kyrkjevalet 2023 var halde over heile landet på samme tid som kommune- og fylkestingsvalet i september. Osingane gjekk til stemmeurnene og røysta fram sine representantar til folkestyret i kyrkja. Resultatet er ei godt samansett gruppe med både debutantar og veteraner frå tidlegare rådsarbeid, frivillig engasjement i kyrkja og brei kompetanse på ulike felt. Vi er glade for å ha engasjerte medlemmar som ynskjer å ta del i kyrkja vår!

Bente Brøvig Strømme går ut av rådet etter å ha vore soknerådsleiar dei siste fire åra. Blant dei som takkar for seg er òg Jorunn Hodneland, Arne Tveit og varamedlemmane Becky Ogwu Hesjedal, Kjell Jarle Aadland, Nils Sørbø og Thorstein Skårnes. Os kyrkjelyd vil takke for ein solid innsats frå denne gruppa!

Både avtroppande og påtroppande sokneråd vart markert under Julemessa i Tunet laurdag 25. november.

Det nye soknerådet konstituerte seg 26. oktober med ei triveleg oppstartssamling i "Mathiaskjellaren" hjå varamedlem Inger Indset Botnevik. Tone Steinsund Hagevik vart vald til ny soknerådsleiar, medan Per Gunnar Lunde Oseng held fram som nestleiar. Til representantar i Bjørnafjorden kyrkjelege fellesråd er Olav Emil Tennefoss Vatshelle og Karl Ole Midtbø oppnemnt. Dei øvrige rådsmedlemmane vil vere viktige bindeledd ut til kyrkjelydens utval og komitear knytt til ulike fag- og satsingsområde.

Tekst og foto: Sigurd Rotvik Tunestveit



Avtroppande soknerådsleiar Bente Brøvig Strømme tok imot blomehelsing frå soknerådet på møtet 26. oktober.

ADVENT OG JUL I OS KYRKJELYD

Adventstida er full av gjeremål for mange. I kyrkjene våre inviterast du inn i eit frirom der du kan finne ro og reflektere over ventetida. Detaljar og evt. billetter finn du på nett. Velkommen - du vil ikkje angre!

OS KYRKJE

SØNDAG 3. DESEMBER

Kl. 11.00 FAMILIEGUDSTENESTE m/kyrkjekaffi i Tunet etterpå
Kl. 19.00 JULEKONSERT med Os Mannskor og Nornekoret

TYSDAG 5. DESEMBER

Kl. 12.00 ELDRETREFF med adventskonsert
Kl. 18.00 JULEKONSERT med Os Vocalis

SØNDAG 10. DESEMBER

Kl. 11.00 GUDSTENESTE m/kyrkjekaffi i Tunet etterpå
Kl. 18.00 JULEKONSERT med Os Musikkforening

ONSDAG 13. DESEMBER

Kl. 19.00 LYSMESSE med årets konfirmantar og Joinus

FREDAG 15. DESEMBER

Kl. 16.30 SKUMRINGSKONSERT med Kongshaug Musikkgyrnas.
Gratis inngang!

LAURDAG 16. DESEMBER

Kl. 16.00 JULEKONSERT med Kongshaug Musikkgyrnas
Kl. 18.30 JULEKONSERT med Kongshaug Musikkgyrnas
Billetter på hoopla.no

SUNDAG 17. DESEMBER

Kl. 19.30 SOLIDARITETSKONSERT i lag med Bjørnafjorden Kulturutvikling og Solbakkestova. Inntekt til NRC (Norwegian Refugee Council / Flyktningehjelpen)

JULAFTAN

Kl. 14.00 JULEGUDSTENESTE med KOREdu
Kl. 15.15 JULEGUDSTENESTE med Joinus
Kl. 16.30 JULEGUDSTENESTE

1. JULEDAG

Kl. 11.00 HØGTIDSGUDSTENESTE

NYTTÅRSAFTAN

Kl. 16.00 GUDSTENESTE

NORE NESET KYRKJE

TORS DAG 30. NOVEMBER

Kl. 10.00 BABYJULESONG

TORS DAG 7. DESEMBER

Kl. 10.00 BABYJULESONG

SØNDAG 10. DESEMBER

Kl. 11.00 GUDSTENESTE med kyrkjekaffi etterpå

TYSDAG 12. DESEMBER

Kl. 11.30 SENIORTREFF med god lunsj og godt lag
Kl. 19.00 JULEKONSERT med Lyshornet Brass

TORS DAG 14. DESEMBER

Kl. 10.00 BABYJULESONG

TORS DAG 21. DESEMBER

Kl. 10.00 BABYJULESONG

JULAFTAN

Kl. 14.30 JULEGUDSTENESTE
Kl. 16.00 JULEGUDSTENESTE

LAURDAG 6. JANUAR

Kl. 16.30 JULEFEST for heile familien!

TUNET

TYSDAG 5. DESEMBER

Kl. 10.30 JORIDS SANSETEATER på Osøyro Open Barnehage

TORS DAG 7. DESEMBER

Kl. 11.30 SENIOR-KOINONIA m/Ole Abel Sveen: Julebodskapen i song

FREDAG 8. DESEMBER

Ungdommens julegalla i Tunet - les meir på www.ungdomstunet.net

FREDAG 29. DESEMBER

Kl. 19.00 JAZZKONSERT "MY FAVORITE THINGS" i Storsalen



JULETREFEST PÅ NORE NESET Laurdag 6. januar

Tradisjonen tru blir det sjølvsgagt julefest i Nore Neset Kyrkje, i år på sjølvaste heilagtrekongersdagen 6. januar. Nore Neset kyrkje er pynta til fest, og du og dine er inviterte!



Eit av årets høgdepunkt i kyrkjelyden kjem allereie den fyrste laurdagen i 2024, med feststemning for heile familien. Med stor innsats frå både Nore Neset-utvalet og andre frivillige blir det mat, program og kvalitetstid i lag med gamle og nye vener i fellesskapen. Det blir blant anna familie-quiz, musikkinnslag og ikkje minst tradisjonell juletegang.

Vi legg opp til enkel servering av mat og drikke, og i år oppmøst dei som har lyst å bidra med noko å bite i til å melde frå i påmeldinga.

Midt i den mørkaste tida på året treng vi samlingar som lyser opp. Start året med å ta del, du vil ikkje angre!

Laurdag 6.januar kl.16.30

Inngang: kr. 50,- for vaksne og 30,- for born, familie kr. 150,-
Påmeldingsskjema finn du på

www.kyrkja.no/os

under «Påmelding til arrangement»

eller send e-post til

post@os.kyrkja.no



Stor stas å avslutte jula og julefesten med gå mange ringar rundt juletreet!
(Foto: Sigurd Rotvik Tunestveit)



Skumringskonsert 15.12. kl. 1630 (Gratis!) | Julekonsert laurdag 16.12 kl. 16 og 18.30 | Billetter på hoopla.no



JORIDS SANSETEATER

Den fargerike veggkunsten i Storsalen utgjorde eit flott bakteppe for Jorids framsyning.

Tysdag er Open barnehage-dag i Tunet. Det myldrar i gangen. Barnevogner, smågråt og litt uro. Foreldre som trippar litt og ser spente ut, nokre pratar om dagens gjeremål. Kva er det vi skal få oppleve i dag?

Vi startar å gå i samla flokk frå Eldstova og innover mot Storsalen. Gradvis blir det mindre prat, før det blir heilt stille. Det er spennande... Vi går frå eit lyst rom og inn i eit mørkare rom. Vi kan sjå farga lys og vi høyrer re lydar. Alle går stille inn og setter seg på mattene som er lagt utover golvet. Jorid startar med å helse anerkjennande på alle som er der og fortsette med lyd og lyskunst. Det er fascinerande 20 minutt som små og store delar i Storsalen denne føremiddagen.

Etter at sanseneintrykka er delt, løyser gruppa seg opp og småpratn tek til att. Dei største borna får krype fritt og kjem nærmare for å sjå på lys, lukte såpe og røre seg litt. Alle myldrer og kosar seg. Nokre trekk tilbake til Eldstova og let borna leike saman i Open barnehage-miljøet der, medan andre tek seg ein trilletur i nærområdet for å få ein kvil.

Korleis kom du på dette, Jorid?

- Då eg arbeidde som styrar i Fridalen Åpen barnehage hadde eg lyst til å bidra med litt annleis underhaldning i tillegg til samlingsstund. Og fordi eg er utdanna barnehagelærar og har erfaring frå arbeid i barnehage sitt eg inne med ein kompetanse om kva som fengar og fasinerar dei yngste borna. Eg likar godt å arbeida kreativt og sjå kva eg kan klare å skapa. Så etter å ha testa ut ulike forestillingar på mitt publikum i Fridalen, der tilbakemeldingane var veldig gode frå både små og store, bestemte eg meg for å presentere dette for eit større publikum. Dermed var Jorids Sanseteater fødd, og dei siste sju åra har eg reist rundt gjennom "Den kulturelle beremeisen" ulike stadar i Vestland fylke. Eg har òg vore i Oslo, Skien og Stavanger med framsyningane mine. På mine reiser møter eg utruleg fine både små og store menneske. Og den største glede du kan ha, er å gjera andre glad!



Sylvi Lundgren
Barne- og familiemedarbeidar

Intervju med store og små deltakarar

Helene Nordeide har vore med Frida (snart 4 månader) på babysong i Tunet kvar tysdag, etter å ha fått informasjon om dette frå kyrkjelyden etter dåpen. Etter forestillinga er Frida god og trøyt etter alle inntrykka. Mor fortel at Frida fulgte godt med. Ho såg på alle lysa, så det var dét som fall best i smak. Mor og Frida pleier å være med på Babysang i Tunet hver tirsdag, etter at de ble invitert via post fra menigheten.

Iryna Kopchuk og Mia er fra Ukraina. Mia vart døypt i Os kyrkje og deretter vart dei inviterte til babysong, noko dei sette stor pris på. Mia smilte og verka i det store og heile å sette pris på sanseteateret med blant anna lyd og rørsler. Iryna seier vidare at sosialiseringa borna i mellom er svært verdifull. Born liker å møte andre born!



Iryna Kopchuk og vesle Mia

Intervju og foto: Jan Frode Sandvik



Fargesprakande innstas frå denne gjengen på Globalløpet under årests Camp Vestland. F.v.: Eline, Tiril, Nora, Pia, Marell, Silje Marie og Emma Sofie.

LEIRLIV!

Eit lite glimt frå konfirmantleirane i haust



Samling i matsalen - frå venstre Sigurd, Jakob, Fredrik, Oliver, Marius, Noah, Nicolay, Glenn Lucas, Alexander, Halvor og Adrian.

Konfirmantleir er skikkeleg, skikkeleg gøy! Og denne hausten har vi vore på leir med 115 konfirmanter allereie. For ein start på konfirmanttida!



Torben og leiar Sigurd gav alt under Globalløpet på Framnes i haustferien

I haustferien fekk 40 konfirmantar vera med på Camp Vestland, som KFUK- KFUM arrangerte på Framnes. 5 kjekke dagar med masse aktiviteter og konkurransar, soveposesamlingar, show, globalløp, luftmadrasser utan luft, sure sokkar, nye vener, disco, snop, lek og latter og moro.

Så var det berre nokre veker til neste leir, som gjekk til Raknestunet på Osterøy. Då tok vi med oss 75 konfirmantar, og ein haug med ungdommar som leiarar. Utruleg kjekke dagar med mykje latter, lite søvn, brannalarm, fine samlinger, aktivitet, bading i sjøen, ungdommer som byr på seg sjølve og er med å lagar gode minner for livet.

Leir er ein utruleg god arena for å bli kjent med konfirmantane og byggje relasjonar, og eit godt grunnlag for resten av konfirmanttida.

Overskrifta på begge leirane var "Sett og elska". I dette ligg det at sidan Gud har skapt kvar og ein slik dei er, så er det kanskje berre Gud som kjenner oss og ser oss fullt ut – akkurat slik vi er. Og sjølv om vi ikkje meistrar alt, og kan svikte andre og oss sjølve, så ser og veit Gud akkurat kven du er, kva du tenkjer og kva du bærer med deg. Og han vil oss berre godt, og at vi skal kjenne at vi er elska. Kanskje kan ei slik tru etter kvart føre til at vi legg lista ned – for både oss sjølve og andre - og ser på oss sjølve og dei rundt oss med litt andre auge?



UNGDOMSTUNET

JOINUS (KOR, BAND, DANS, MATLAGING)

Tid: Onsdagar klokka 18.30-21

Stad: Tunet kyrkje- og kultursenter

KRIK OS

Tid: Fredagar 18-19.30

BLI MED PÅ SOSIALWEEKEND!

12-14. April 2024 reiser vi på tur og blir betre kjent. Bli med! Info kjem på nett!

Ungdomsarbeidar

Martin Bakke Slåttsveen

Tlf.: 976 66 456 | E-post: mb369@kyrkja.no

HAPPENING - MØTEPLASSEN FOR DEG?

Happening er fredagskvelder med ope hus for ungdom frå 8. trinn og ut vidaregåande skule. Det blir servert mat, og vi har plass til alle - anten du vil vere med på liv og røre eller berre slappe av i lag. Her er du velkommen!

Tid: Annankvar fredag klokka 20-23

Stad: Tunet kyrkje- og kultursenter

Les meir og følg oss på



@ungdomstunet

| www.ungdomstunet.net |



/ungdomstunet



Her er nokre utsagn frå konfirmantane etter haustens leirar:

“Veldig gøy leir, og eg likte det veldig godt”

“Det var gøyere enn eg trudde”

”Eg syns at leiren kanskje kunne vore litt lengre...”

”Eg syns undervisninga var bra og ikkje alt for kjedelig.”

“Kan vi reise på ein leir til, sammen med denne gjengen?”

”Vi måtte våkne litt for tidlig på morgonen.”

”Har vært superkoselig :-)) litt trist å reise heim!”



Gro Helen Blindheim Skjælaaen
Kateket



Møte
Merkedag
Minnesamvær

**Leig lokale
i TUNET!**

Informasjon og prisar får du ved
å ta kontakt på post.os@kyrkja.no
eller telefon 56 57 24 00



OPPSTARTSPRAT



Ine Sofie Moen er vår nye frivillig-koordinator og konsulent!

Ine tok til i jobben i september og har allerede blitt godt kjent med mange av dei faste frivillige i kyrkjelyden. Dei fyrste månadane har ho samarbeidd intenst med julemesse-komiteen. Ho er utdanna innan organisasjon og leiing og skal òg bidra som konsulent i administrasjonen vår.

- Kan du fortelle litt om deg sjølv?

- Eg heiter Ine Sofie Moen, er 24 år gamal og kjem frå Trondheim. Sommaren 2022 greidde sambuaren min å lokke meg til Os, og her har eg budd sidan.

- Kva gler du deg til i den nye jobben?

- Det beste med min nye jobb har vore hyggelege kolleger og varierte arbeidsoppgåver. Eg gler meg til fortsettinga!

- Og så den klassiske utfordringa: Beskriv deg sjølv med tre ord!

- Då må det bli rettferdig, omsorgsfull og morsom (av og til).

- Høyres bra ut! Kva likar du å koble av med når du har fri?

- Når eg har fri finn du meg på treningscenteret, ute på tur eller heime på sofaen.

Vibeke Stang er i gang som ny trusoppføringsmedarbeider!

Vibeke er tilsett i vikariat som trusoppføringsmedarbeidar med fokus på aldersspennet 0-12 år, og tok til i jobben i oktober. Så langt har ho vore med å planlegge og gjennomføre adventssamlingar for 3-åringane, og lagt grunnlaget for spennande tiltak som Tårnagent-helg, "Heilt førsteklasse" og påskevandringa "Opplev påsken", som skal arrangerast til våren.

- Hei, Vibeke! Kven er du?

- Eg heiter Vibeke og er oppvokst på Halvhjem. Eg er utdanna barnehagelærer og har jobba i barnehage i 7 år. Og så er eg gift og har fire barn.

- Kva har vore det beste med din nye jobb så langt?

- No har eg ikkje jobba så lenge som trusoppfører enå, men det er veldig kjekke kolleger her, og så er det godt å ha god tid til å planlegge kjekke og koselige aktivitetar for borna, det syntes eg er kjekt.

- Kan du beskrive deg sjølv med tre ord?

- Blid, løsningsorientert og spontan.

- Og kva gjer du helst på fritida?

- Når eg har fri likar eg å bruke tida sammen med familien min.

Ei glede å ha dykk med på laget, Ine og Vibeke! Velkommen til oss!



Tekst: Sigurd Rotvik Tunestveit

Sokneprestens hjørne

I Ringenes Herre får Ringens brorskap gåver frå Galadriel når dei forlét Lórién mot slutten av besøket der, før dei skal dra vidare mot ukjende vegar og farar, mot Mordor og Dommedagsfjellet. Galadriels gåver er ment til å setja håp i brorskapet på det meir eller mindre umoglege oppdraget dei har fått. Til hobbiten Frodo, sjølv ringbæraren, gjev Galadriel ein ampulle (eng. phial) som inneheld lys frå Eärendils stjerne («Our brightest star», som ho seier i filmatiseringa). Gåva skal vera «Eit lys for deg på mørke plassar når alle andre lys sluknar» (The Lord of The Rings, The Fellowship of the Ring, bok 2, kapittel 8. Mi omsetjing frå engelsk).

Eg kom til å tenkja på denne scena då eg las gjennom det eg skreiv i adventsnummeret til kyrkjebladet i fjor. Då skreiv eg med krigen i Ukraina, og alle flyktningane som kom frå Ukraina som bakteppe, og trudde at noko særleg meir alvorleg bakteppe enn det kan vi ikkje ha før julehøgtida. Eg tok feil...

Når vi no gjer oss klar til nok ei julefeiring skjer det med eit bakteppe av både krigen i Ukraina som ikkje ser ut til å ta slutt med det første, men og terrorangrep mot Israel og krig i Gaza med så mykje menneskelege lidningar at det er vanskeleg å ta innover seg. Vi ser antisemittismen bre om seg på nytt. Fleire og fleire kjenner på usikkerheit for framtida, og eg tenkjer: Skal det aldri ta slutt?

Det er då eg tenkte på scena frå Ringenes Herre, om lyset som skal lysa på mørke plassar sjølv når alle andre lys døyr. Eller håpet som finnest, sjølv når alle andre håp er ute. Den kristne julebodskapen er eit slikt håp. Eit trassig håp midt i håpløysa. På julaften skal vi igjen be:

Gud, dine englar sang om fred på jorda. Barnet i krubba er Fredsfyrsten for oss og heile verda

Vi bed om fred i alle hjarte og i alle heimar. Vi bed om fred over nabolag og lokalsamfunn, over skulane våre og arbeidsplassane våre. Vi bed om fred mellom nasjonar og folkegrupper.

Lat fred og forsoning breie seg i bygda vår, over heile Noreg og i alle land. Lat stadig nye menneske møta Jesus og følgje han på fredens veg. Gud, vi bed.

Kanskje kjenner vi at vi ikkje klarar å be med full overtyding. Men vi kan i alle fall be i trass, for når alle andre lys sluknar, kvar skal vi snu oss, om ikkje til han som blir kalt Fredsfyrste, han som er lyset i verda, lyset som skin i mørkret, og mørkret har ikkje overvunnet det (Jfr Jes 9, Joh 1 og 8). Eg ønskjer alle ei fredfull og velsigna julehøgtid.

Roar Hallsby Evjedal
Sokneprest



JULEMESSE I TUNET

Vinnarar frå boklotteriet

Gevinst	Vinnar
1. Tur med Danskebåten for inntil 4 personer (Fjordline)	Jorunn Hodneland
2. Herresykkel	Kari Erna Haukeland
3. Damesykkel	Lill-Karin Wallem
4. Juniorsykkel	Ludvik Hodneland Sundfjord
5. Juniorsykkel	Marianne Hanssen
6. Dukke med klede	Kitty Øxnevad
7. Håndbrodert juleduk	Hans Einar Markhus
8. Måleri av Bente Brøvig Strømme	Marius Lund Halland
9. Årsabonnement Os&Fusaposten	Torgeir og Gro Helen Skjælaaen
10. Premium medlemskap Aktiv365 (3 månader)	Eirik Øen
11. Trafikalt grunnkurs (Os/Byens trafikkskole)	Marte Bjørge-Torkelsen
12. Lego City: 60379	Liss Wold
13. JBL Charge 5 høgtalar	Øivind Gjerde
14. Verktøysett	Per Gunnar Lunde Oseng
15. 2 stk. fribilletter på Den Nationale Scene	Knut Hernes Havåg
16. 2 stk. billetter til "Drømmen om en hvit jul" på Oseana	Wenche Torsvik
17. 4 stk. kinobilletter på Lagunen kino	Harald Geir Haga
18. Gåvekort, Livskvalitet ski- og sykkelverkstad	Oddvar Sandtorv
19. Gåvekort, Livskvalitet ski- og sykkelverkstad	Marte Ingvild Stordal
20. Gåvekort, Livskvalitet ski- og sykkelverkstad	Kjell Aadland
21. Stormkjøkken	Kjetil Barman
22. Hengekøye	Adele Lien
23. Tacosett	Herborg Dyrdal
24. Gåvekort, Havnechefen	Anne Fimreite
25. Gåvekort, Café glede	Hans Einar Markhus
26. Gåvekort, Peppes Pizza	Randi Bakke
27. Lappemaskin	Ingfrid Åse
28. Fiskesett for barn	Teresa Stakkeland
29. Gåvekort Lagunen Storsenter	Henrik Sælen

Laurdag 25. november var Tunet tradisjonen tru breiddfullt av glade menneske, graut og gevinstar. Kvart år samler julemessa kyrkjelyden til førjulsaktivitet, mat og fellesskap - og eit betydeleg overskot går rett inn i tilboda våre for barn og unge.

Våre eigne kor KOReDu og Joinus spelte frå scena, i tillegg til kjempefint innslag med elevar frå Kuventræ barneskule. Programmet hadde òg plass til ein takk til det avtroppande soknerådet, og ein introduksjon av det nye rådet som nett har starta sin fireårs-periode.

Hjarteleg takk til alle gode krefter i kyrkjelyden som sytte for ein innhaldsrik dag! Overskotet vart solid og resultatet er endå ikkje heilt klart, men julemessa vil i år som tidlegare gje store tilskot til eit mangfaldig og inkluderande barne- og ungdomsarbeid i kyrkjelyden i året som kjem.

Velkomen att til neste år!

Arr. Os sokneråd v/ julemessekomiteen

Takk for gode bidrag frå våre samarbeidspartnarar:



Os & Fusaposten

Nett | Papir | Podkast | TV



OS/BYENS TRAFIKKSKOLE

aktiv
365
- trening og spa

fjordline.com






















Napp ut og
heng opp!

Os kyrkjelyd Vinterkalender

MÅNDAG	TYS DAG	ONSDAG	T
1 <i>januar</i>	2 Open barnehage Babysong <i>Tunet</i>	3 Strikk til Tunet JoinUs	4
8 Speidaren	9 Open barnehage Babysong <i>Tunet</i> Eldretreff <i>Kløvertun</i>	10 Strikk til Tunet JoinUs	11
15 Speidaren	16 Open barnehage Babysong <i>Tunet</i> Seniortreff <i>Nore Neset kyrkje</i>	17 Strikk til Tunet JoinUs	18
22 Speidaren	23 Open barnehage Babysong <i>Tunet</i>	24 Strikk til Tunet JoinUs	25
29 Speidaren	30 Open barnehage Babysong <i>Tunet</i> Seniortreff <i>Nore Neset kyrkje</i>	31 Strikk til Tunet JoinUs	1 <i>febr</i>
5 Speidaren	6 Open barnehage Babysong <i>Tunet</i> Eldretreff <i>Kløvertun</i> Foreldre møter foreldre <i>Tunet</i>	7 Strikk til Tunet JoinUs	8
12 Speidaren	13 Open barnehage Babysong <i>Tunet</i> Seniortreff <i>Nore Neset kyrkje</i>	14 Strikk til Tunet JoinUs	15
19 Speidaren	20 Open barnehage Babysong <i>Tunet</i> Foreldre møter foreldre <i>Tunet</i>	21 Strikk til Tunet JoinUs	22
26 <i>Vinterferie</i>	27 Seniortreff <i>Nore Neset kyrkje</i>	28	29
4 Speidaren	5 Open barnehage Babysong <i>Tunet</i> Eldretreff <i>Kløvertun</i> Heilt førsteklases!	6 Strikk til Tunet JoinUs	7
11 Speidaren	12 Open barnehage Babysong <i>Tunet</i> Seniortreff <i>Nore Neset kyrkje</i> Heilt førsteklases!	13 Strikk til Tunet JoinUs	14
18 Speidaren	19 Open barnehage Babysong <i>Tunet</i> Heilt førsteklases!	20 Strikk til Tunet JoinUs	21
25 <i>Påskeferie</i>	26	27	28 Skjærtors 
1 2. påskedag  <i>Smievågen 12 (Friluftsgudsteneste)</i> <i>april</i>	2 Open barnehage Babysong <i>Tunet</i> Seniortreff <i>Nore Neset kyrkje</i> Heilt førsteklases!	3 Strikk til Tunet JoinUs	4 Undretu

Sjå nettsidene www.kyrkja.no/os! for oppdateringar, påmelding og detaljar!

ORS DAG
FREDAG
LAUR DAG
SUNDAG

Babysong <i>Nore Neset</i>	5		6	Juletreffest <i>Nore Neset kyrkje</i>	7	 <i>Os 11</i>
Babysong <i>Nore Neset</i> KOReDU ShubaDubs	12	KRIK Happening	13		14	 <i>Os 11</i> Minns du sången? <i>Nore Neset kyrkje</i>
Babysong <i>Nore Neset</i> Senior-Koinonia KOReDU Tweens	19	KRIK	20		21	 <i>Os 10 + 11.15</i>  <i>NN 19</i>
Babysong <i>Nore Neset</i> ShubaDubs TiTT - Torsdag i Tunet	26	KRIK Happening	27		28	 <i>Os 11</i>
Senior-Koinonia KOReDU Tweens	2	KRIK	3		4	 <i>NN 11</i>  <i>Os 11</i> Søndagssamling
Babysong <i>Nore Neset</i> KOReDU ShubaDubs	9	KRIK Happening	10		11	 <i>Os 11</i>
Babysong <i>Nore Neset</i> Senior-Koinonia KOReDU Tweens	16	KRIK	17	"Tårnagenter" <i>Os kyrkje</i>	18	Fastelavn  <i>NN 11</i>  <i>Os 11</i>
Babysong <i>Nore Neset</i> KOReDU ShubaDubs TiTT - Torsdag i Tunet	23	KRIK Happening	24		25	 <i>Os 10 + 11.15</i>
Senior-Koinonia	1		2		3	 <i>NN 11</i>
Babysong <i>Nore Neset</i> KOReDU ShubaDubs	8	KRIK Happening	9		10	 <i>Os 11 (Søndagssamling)</i>
Babysong <i>Nore Neset</i> Senior-Koinonia KOReDU Tweens	15	KRIK	16		17	 <i>NN 11</i>  <i>Os 11</i> Fasteaksjonen 2024
Babysong <i>Nore Neset</i> KOReDU ShubaDubs Opplev påska <i>Os kyrkje</i> TiTT - Torsdag i Tunet	22	KRIK Happening	23		24	Palmesundag  <i>Os 11</i>
dag	29	Langfredag  <i>Os 12</i>	30		31	1. påskedag  <i>Os 11</i>
<i>NN 19 (Nattverdsmåltid)</i>						
Babysong <i>Nore Neset</i> for fireåringar <i>Os kyrkje</i> KOReDU ShubaDubs	5	KRIK Happening	6	Basar "Strikk til Tunet"	7	  <i>Os 11 (Utdeling av fireårsbok)</i>  <i>NN 11</i>



STØTT VÅRE ANNONSØRAR!

NMS GJENBRUK OS

MILJØ, MØTEPlass & MISJON

Opningstider: Måndag stengt, tysdag-fredag 11-17, laurdag 11-15



**Her finn du det meste
- til ein rimelig pris!**


Velkommen til ein spanande butikk i Irisgården, vis á vis Interiøren v/Oselvarnaustet. Tlf. 404 45 421

*Vi treng fleire
medarbeidarar til eit
hyggeleg arbeidsmiljø!
Ta kontakt ved interesse!*

MILJØ MØTEPlass MISJON



Følg oss på Facebook
"NMS Gjenbruk Os"



DRANGE BRUK AS

Høvel- og skurdlast
Panel - lister - golv
Trykkimpregnerte materialar

ALT TIL GUNSTIGE PRISAR

TELEFON 56 57 00 50 - FAX 56 57 00 51
5215 LYSEKLOSTER

GRAVMINNER



Tlf. 55 92 25 30 • Espehaugen 54, 5258 Blomsterdalen
Man- fre kl. 9.00-17.00. Lørdag stengt.
www.lovaasnaturstein.no

TRAVELNET



OS REISEBYRÅ AS Boks 274, 5203 Os

Tlf. 56304300

e-post: os@travelnet.no | www.verden.no



Elektro-Design AS

AUT. ELEKTROINSTALLATØR

Trenger du en elektriker?
Ta kontakt med Geir Skarding:

Mob. 91129784

Strønevegen 49, 5217 Hagavik, elek-3@online.no

DRENERING • MURING • SPRENGING



Alt innen graving og transport

Ring Olav på 924 60 307
Bård A. på 951 13 187

TRANSPORT AV MASSER • GRUNNARBEID

Os Gravferdsbyrå as



**Døgntelefon
56 57 49 50**

Jorunn Moberg
Agnethe Øvreeide

Vi utfører alt det praktiske, eller legg til rette
for pårørende som ønskjer å gjera noko sjølve.
Ope etter avtale. Brugata 50, Os.

www.osgravferdsbyraa.no

Os kyrkjeblad trykkast i over
9000 eksemplar og sendast
m.a. til alle heimar i Os.

AnnONSE?

Informasjon og prisar får
du ved å ta kontakt på
post.os@kyrkja.no eller
telefon 56 57 24 00



Daniel Røksund
938 26 432



Alexander Olsen
473 80 260

Vi kjenner Os

Tenker du på å selge? Med vår unike lokalkunnskap og lange erfaring kan vi love deg et effektivt, trygt og forutsigbart boligsalg. Velkommen innom kontoret vårt i Os sentrum for en hyggelig boligprat.



Kom innom vårt kontor i Os sentrum



Ring oss
915 05560



Kontakt oss på
emvest.no

Kom innom
kontoret vårt
i Os sentrum.



EiendomsmeidlerVest

Salmeskatten Salme 38 - Mitt hjerte alltid vanker

Mitt hjerte alltid vanker i Jesu føderom,
der samles mine tanker som i en hovedsum.
Der er min lengsel hjemme, der har min tro sin skatt;
jeg kan deg aldri glemme, velsignet julenatt!

Den mørke stall skal være mitt hjertes frydeslott,
der kan jeg daglig lære å glemme verdens spott.
Der kan med takk jeg finne hvori min ros består,
når Jesu krybber minne meg rett til hjerte går.

Men under uten like, hvor kan jeg vel forstå
at Gud av himmerike i stallen ligge mål!
At himlens fryd og ære, det levende Guds ord,
skal så foraktet være på denne arme jord!

Hvi skulle herresale ei smykket for deg stå?
Du hadde å befale alt hva du pekte på.
Hvi lot du deg ei svøpe i lyset som et bånd,
og jordens konger løpe å kysse på din hånd?

Salmen "Mitt hjerte alltid vanker" er nummer 38 i Norsk salmebok. Teksten er skrevet av Hans Adolph Brorson fra Danmark i 1732. Melodien er ein svensk folketone frå Vestergötland som er blitt tilpassa teksten.

Salmen skildrar mysteriet i julebodskapen. Brorson tek oss med inn i stallen. Han undrar seg over Jesus som Gud og menneske. Vi får eit glimt av det store underet, at "Gud i himmerike i stallen ligge mål" i jula. Til å byrje med er teksten full av undring og lengsel. I dei to siste strofene er det eit svar og eit håp. Brorson opnar hjartet sitt for Jesus og tar Han inn i hjartet sitt. "Kom la min sjel dog finne sin rette gledesstund, at du er født her inne i hjertets dype grunn." Vi kan opne opp hjartet vårt for Jesus. Han er lyset i verda, og han kom til frelse for oss alle.

Hvi lot du ei utspenne en himmel til ditt telt
og stjernefakler brenne, å store himmelhelt?
Hvi lot du frem ei lyne en mektig englevakt,
som deg i silkedyne så prektig burde lagt?

En spurv har dog sitt rede og sikre hvilebo,
en svale må ei bede om nattely og ro,
en løve vet sin hule hvor den kan hvile få -
skal da min Gud seg skjule i andres stall og strå?

Akk, kom, jeg opp vil lukke mitt hjerte og mitt sinn
og full av lengsel sukke: Kom, Jesus, dog herinn!
Det er ei fremmed bolig, du har den selv jo kjøpt,
så skal du blive trolig her i mitt hjerte svøpt.

Jeg gjerne palmegrene vil om din krybbe strø,
for deg, for deg alene jeg leve vil og dø.
Kom, la min sjel dog finne sin rette gledes stund,
at du er født herinne i hjertets dype grunn!



Anna Cecilie Norlund Oksavik
Organist

GRAVMINNER
Stor salgsutstilling av nye monumenter
Tilføyelser / Oppussing

STEINRIKET
EIKNER NATURSTEIN

ULSMÅGVEIEN 27, NESTTUN
TLF. 55 98 70 00

EIKNER 100ÅR 2008

SOLIDARITETSKONSERT

SØNDAG
17.12.23
KL
19.30
I OS
KYRKJE

Foto: Ole H. Kongsvik

- * MIGHTY MAGNOLIAS
 - * EIRIK SØFTELAND
 - * ANNA NESET
 - * TETIANA SOROCHAN
 - * RES ERIK ROLLAND, ØYSTEIN OG GUNNAR ENGEVIK
 - * VICTORIA BAKKA
 - * LEIF ØSTREM
 - * SOLOMIYA OG NAZAR ROMANYSHYN
 - * MICHAEL CLEMENTE LEKVEN
 - * JAN HAALAND
- KONFERANSIER: Marie Bruarøy

**KONSERTEN ER GRATIS,
INNSAMLAR PENGER
GÅR TIL STØTTE SOM GIS TIL
FLYKTNINGHJELPEN NRC.**



Arrangør Os Kulturutvikling, Os Kyrkjelyd og Galleri Solbakkestova

ADVENTKONSERT

OS KYRKJE 5. DESEMBER KL 12:00

og SAMLING I KLØVERTUN ETTERPÅ

Musikk frå 2. klasse ved Kuventræ skule,
organist Anna Cecilie N. Oksavik og Grethe
Inger Berge

Andakt ved Svante Havåg

God mat og samvær i Kløvertun etter kon-
serten. **Vel møtt!**

Frå kyrkjebøkene



Døyppte

Velkommen i kyrkjelyden!

13. august

Maja Kvalheim Laugen
Sebastian Haugland Haukås
Lilly-Petunia Gripsgård Bjørset
Ada Hjortland Moberg

20. august

Pernille Aasen Veland
Ella Skorpen Palmér
Oscar Anton Skårnes
Brede Liseth
Tuva Halhjem
Alfred Wagstaff Waage

27. august

Noah Askvik

3. september

Noah Sydnes Børdal
Leander Sydnes Børdal
Oscar Kildal Søfteland
Mia Kvamme-Nevland

10. september

Emma Aga Riise
Ingrid-Sofie Håvardstun Kvittingen

17. september

Tomine Småbrekke Rabben
Pernille Langeland
Oliver Martinsen Drevassbukta
Even Kjellevoll Frotveit

1. oktober

Sofie Thorsvik Størksen
Johanne Olstad
Tiril Engeseth Skjeldal
Frida Henriksen
Tiril Balland Dreyer

8. oktober

Emrik Nåmdal
Emmeline Blom Reite
Markus Austevoll
Millie Austevoll
Amalie Meidell

15. oktober

Otilia Løver Tellefsen
Isak Haug
Emil Haug
Frida Linga Kolbeinsen

29. oktober

Konrad Bjoarvik
Isak Hjertholm Smaadal
Marie Fjærtøft Mongstad

5. november

Andreas Nøkland
Madli Furnes Samuelsen
Selma Sleen Haga
Tobias Pihl

12. november

Benjamin Haagensen Midtsæter
Lovisa Karlström Gjerdevik
Ludvik Ottesen Waagen
Theodor Kolskogen Aasen



Døde

Fred Johan Handeland

09.05.1946-16.08.2023

Gunnlaug Jomisko

24.04.1930-16.08.2023

Aslaug Lekven Lunde

22.11.1926-16.08.2023

Elisabeth Hjertholm

22.10.1942-26.08.2023

Anna Marie Lundgren

14.10.1937-03.09.2023

Gudrun-Elisabeth Sandven Lindbord

15.07.1963-09.09.2023

Nina Elizabeth Clark

11.12.1958-11.09.2023

Astrid Olaug Pettersen

28.10.1937-17.09.2023

Kristoffer Engevik

05.09.1928-19.09.2023

Olav Vårdal

07.09.1933-21.09.2023

Bente Thomas

22.02.1955-23.09.2023

Kaja Van Flandern

13.05.1945-26.09.2023

Lars Ole Rød

21.02.1934-29.09.2023

Åge Johan Solbakken

29.08.1946-30.09.2023

Anna Margreta Lunde

05.04.1950-04.10.2023

Ingeborg Tangerås Haugland

20.09.1922-10.10.2023

Steinar Skåtøy

19.04.1954-17.10.2023

Otto Jakob Walle

19.02.1943-23.10.2023

Kari Lunde

23.07.1946-25.10.2023

Arne Karsten Totland

17.04.1938-27.10.2023

Ågot Berge

02.03.1930-29.10.2023

Magne Askvik

16.03.1935-30.10.2023

Ingvald Johannes Røttingen

06.02.1960-02.11.2023

Gunnar Ole Savland

06.11.1942-04.11.2023

Johannes Martin Nordvik

21.11.1931-04.11.2023

Eldrid Stensland

05.08.1947-08.11.2023

Lennart Kåre Bratheim

03.11.1939-09.11.2023

Kvil i fred

Innsamla offergåver sidan 06.08.23

Dato	Takkoffer til	Beløp
06.08.23	Tunet	Kr 3957
13.08.23	IKO	Kr 6905
20.08.23	Strømmestiftelsen	Kr 4707
27.08.23	Eigen kyrkjelyd	Kr 2739
03.09.23	Tunet	Kr 4919
10.09.23	Kristen Idrettskontakt - KRIK	Kr 7522
17.09.23	Norsk Søndagsskoleforbund	Kr 7522
24.09.23	NMS	Kr 8268
01.10.23	Eigen kyrkjelyd	Kr 4890
08.10.23	Tunet	Kr 6676
15.10.23	Eigen kyrkjelyd	Kr 3861
22.10.23	Kongshaug Musikkgymsas	Kr 32 869
29.10.23	Vake	Kr 4020

KVALITET!

Verktøy, maskiner og redskap for HUS OG HAGE

PM Sælen & Co AS

Tlf. 56 30 44 90



OS HAGESERVICE

alt innen hage

Vi lager hageplan,
murer, legger stein,
lager plen og planter
busker og trær.

56 57 66 77 99 00 80 80

www.oshageservice.no





DEN NORSKE KYRKJA

Os kyrkjelyd - Tilsette

Sokneprest

Roar Hallesby Evjedal
Tlf: 934 42 968 | E-post: re674@kyrkja.no

Kapellan

Anette-Emilie Gangstø (permisjon)

Prostiprest

Svante Havåg
Tlf: 922 47 639 | E-post: sh226@kyrkja.no

Fung. kyrkjeveerge

Hans Einar Markhus
Tlf: 959 36 580 | E-post: hm629@kyrkja.no

Dagleg leiar

Sigurd Rotvik Tunestveit
Tlf: 938 69 109 | E-post: st575@kyrkja.no

Kantor

Irina Tarasova
E-post: it698@kyrkja.no

Diakon

Ingrid Vik
Tlf: 450 51 212 | E-post: iv588@kyrkja.no

Konsulent økonomi/ gravplassforvaltning

Monica Refsdahl
Tlf: 456 52 830 | E-post: mr346@kyrkja.no

Konsulent utleige/ resepsjon

Inger-Johanne Haugland
Tlf: 457 13 710 | E-post: ih985@kyrkja.no

Frivilligkoordinator, administrativ konsulent

Ine Sofie Moen
Tlf: 984 06 111 | E-post: im763@kyrkja.no

Kateket

Gro Helen Blindheim Skjælaaen
Tlf: 452 78 575 | E-post: gs234@kyrkja.no

Barne- og familiearbeidar

Sylvi Lundgren
Tlf: 475 04 327 | E-post: sl828@kyrkja.no

Trusopplæringsmedarbeidar

Vibeke Stang
E-post: vs653@kyrkja.no

Ungdomsleiar

Martin Bakke Slåttsveen
Tlf: 986 66 456 | E-post: mb369@kyrkja.no

Driftsleiar

Kenneth Molland
E-post: km893@kyrkja.no

Kyrkjegardsarbeidar, kyrkjetenar

Agnar Midtsæter
Lars Joar Hilleren
Linn Kjerstin Østgulen
Terje Rød

Kyrkjegardsarbeidar

Marianne Tveit
Øyvind Dreyer

Kyrkjetenar

Jakob Nygard
Hanne Dahl
Ludvik Hodneland Sundfjord
Marie Hallesby Evjedal

«My Favorite Things»
Romjulskonsert i Tunet - Osøyro - 29.12 - Kl 19

Helge Haukås med gjest
Gina Aspenes

Carsten Dyngeland Trio
Sigurd Ulveseth - Bass
Stian Villanger - Trommer

Foto: Vigdis Øvreide

Billetter: Kr 300,- Par 500,-
Barn med betalende voksen GRATIS

Vinnarar frå Misjonsmessa i Tunet 28. oktober

Gevinst	Vinnar
Dokke med seng og klede	Målfrid Haga
iPad	Sigbjørn Grønås
Koffert	Nelly Øvredal
Halvtønne frå Tønnegården	Torill Moberg
Tursekk	Torgeir Riska
Vevd ullpledd	Yngvild Bjørnevik
Grytesett	Astrid og Gisle Enstad
Gåvekort frå Capri	Gunn Strømme
Vaffeljern	William Lunde Kongsvik
Strikka teppe	Britt Reidun Storlid
2 stk Rocs lykt /lys	Anne Marie Solsvik
Quiltet løpar	Helge Hagevik
Brettspel	Rune Skjælaaen
Gåvekort Plantasien	Torgeir Riska
Velværepakke	Peter Sørås Bjørnevik
Strikka damegenser m/ lue	Bente Brøvig Strømme
Strikka barnegenser, Islender	Jakob Haugland Kleppe
Stavmiksar	Grete Våge
Strikka barnegensar	Laurits Hodneland
Gåvekort NMS Gjenbruk	Irene Hunshamar

Takk til alle som gav gevinstar!
Takk til alle som selde og kjøpte lodd!
Takk til alle som på ulike måtar var med å gjennomføre basaren!
Takk til alle som kom på Misjonsmessa - vi sjåast neste år!


Messekomiteen og styret i Fellesforeningen for NMS i Os



BARNAS

Prikk til prikk

Trekk ein strek frå 1 til 2 og så vidare. Kva skjuler seg her?



Hjelp dei vise menn!

Hjelp dei vise menn å finne vegen til det vesle Jesus-barnet.



Vits

- Kan eg få ein hund til jul, pappa?
- Nei, i år blir det ribbe, som vanleg!

Fargelegg!



Teikning: Alessandro Coppola og Lorenza De Luca

Gje barnebladet Barnas til eit barn du er glad i!

Desse oppgåvene er henta frå bladet.

Bestill abonnement på sondagsskolen.no eller 22 03 71 00



Finn fem feil!



Her er Jesus, Maria og Josef. Dei to bileta er nesten like. Finn du dei fem feila på biletet til høgre?

Teikning: Alessandro Coppola og Lorenza De Luca

Kjære lesar!

Har du bladd heilt hit, er du kanskje interessert i ei aktiv og levande kyrkje for alle i Os?

Kan hende er du blant dei mange som bidreg, anten praktisk eller økonomisk, til kyrkjelyden sitt arbeid allereie?

Hugs at du får skattefrådrag for gåver inntil 25000 kroner i året til gode formål. No mot slutten av året vil vi difor oppmode deg som har høve, til å gje ei gåve til Os kyrkjelyd. Det kjem mange til gode!

VIPPS til #786791

Om du ynskjer kan du starte det nye året med å bli fast gjevar til kyrkjelyden med eit valfritt månadleg beløp ved å scanne denne koden →



På vegne av alle i kyrkja: Tusen takk!

Kvittering

Innbetalt til konto

3201 53 26254

Beløp

VALFRITT!

Betalerens kontonummer

Blankettnummer

Bladpengar for Os kyrkjeblad,
til dømes kr. 300,-

GIRO

Underskrift ved girering

Betalings-
frist

Betalt til

Kyrkja vår!

Belast
konto

Kvittering
tilbake

Kundeidentifikasjon (KID)

Kroner

Øre

Til konto

Blankettnummer

3201 53 26254



Kyrkja bygger vi i lag.
Det er bruk for deg!

Os kyrkje		
3. desember	11:00	Familiegudsteneste. Dåp. Nattverd.
10. desember	11:00	Dåp. Nattverd
13. desember	19:00	Lysmesse med konfirmantar og Joinus
Julaftan	14:00	Gudsteneste
	15:15	Gudsteneste
	16:30	Gudsteneste
1. juledag	12:00	Høgtidsgudsteneste. Dåp. Nattverd.
Nyttårsaftan	16:00	Dåp. Nattverd
7. januar	11:00	Dåp. Nattverd
14. januar	11:00	Nattverd
21. januar	10:00	Dåpsgudsteneste
	11:15	Nattverd
28. januar	11:00	Dåp. Nattverd
4. februar	11:00	Nattverd
11. februar	11:00	Nattverd
18. februar	11:00	Familiegudsteneste m/"Tårnagenter". Dåp
25. februar	10:00	Dåpsgudsteneste
	11:15	Nattverd
10. mars	11:00	Søndagssamlings-gudsteneste. Dåp. Nattverd
17. mars	11:00	Nattverd
24. mars	11:00	Palmesøndag. Familiegudsteneste. Dåp
29. mars	12:00	Langfredagsmesse
31. mars	11:00	Påskedag. Nattverd
7. april	11:00	Familiegudsteneste. Nattverd
14. april	11:00	Nattverd
21. april	11:00	Dåp. Nattverd
28. april	10:00	Dåpsgudsteneste
	11:15	Nattverd
Nore Neset kyrkje		
10. desember	11:00	Dåp. Nattverd.
Julaftan	14:30	Gudsteneste
	16:00	Gudsteneste
21. januar	19:00	Nattverd
4. februar	11:00	Dåp. Nattverd
18. februar	11:00	Dåp. Nattverd
3. mars	11:00	Dåp. Nattverd
17. mars	11:00	Dåp. Nattverd
5. mars	11:00	Dåp. Nattverd
28. mars	19:00	Skjærtorsdag. Nattverdsmåltid
Smievågen		
1. april	12:00	2. påskedag. Friluftsgudsteneste